



## Møteprotokoll for Formannskapet

**Møtedato:** 05.04.2016  
**Møtestad:** Konferanserommet  
**Møtetid:** 09:00 - 14:00

| <b>Frammøtte medlemmer</b> | <b>Parti</b> | <b>Rolle</b> | <b>Merknad</b> |
|----------------------------|--------------|--------------|----------------|
| Tom Kristian Thorsen       | SO           | Ordfører     |                |
| Kristin Nåmdal             | SA           | Varaordfører |                |
| Linda Neset                | SO           | Medlem       |                |
| Ann-Jorunn Farestveit      | SO           | Medlem       |                |
| Kjetil Eikefet             | SA           | Medlem       |                |

| <b>Frå administrasjonen:</b> | <b>Funksjon:</b>     | <b>Rolle</b>   | <b>Merknad</b>            |
|------------------------------|----------------------|----------------|---------------------------|
| Oddvin Neset                 | Assisterande rådmann | Administrasjon | Modalstunet - orientering |
| Øivind Olsnes                | Rådmann              | Administrasjon |                           |

## Sakliste

| Saknr    | Tittel  |
|----------|---|
| 015/2016 | Godkjenning av innkalling og sakliste   |
| 016/2016 | Godkjenning av møtebok  |
| 017/2016 | Referatsaker  |
| 018/2016 | Orienteringssaker   |
| 019/2016 | Søknad om forlenging av frist for igangsetting av bygging gnr 76 bnr 103  |
| 020/2016 | Takstvedtekter for sakkunng nemnd og sakkunng klagenemnd -<br>eigedomsskattepliktige eigedommar i Modalen kommune |

### Notat frå møtet:

Møtet vart heva frå kl 12.25-13.15 medan det vart halde møte i Næringsfondsstyre.

### Ny ovn på kjøkkenet i samfunnshuset på Mo

Linda Neset føreslo at det burde kjøpast ein ny ovn då den gamle var øydelagt.

### Oppfølging

Formannskapet vedtok å nytte avsette midlar inntil kr 50.000 til rådvelde for formannskapet til føremålet.

Rådmannen undersøker saka og iverkset innkjøp av ein ny ovn.

015/2016: Godkjenning av innkalling og saksliste

Behandling:  
Samrøystes

Vedtak:  
Innkalling og sakliste vert godkjent

---

016/2016: Godkjenning av møtebok

Behandling:  
Samrøystes

Vedtak:  
Møtebok vert godkjend slik ho ligg føre

---

017/2016: Referatsaker

Behandling:  
Samrøystes

Vedtak:  
Referatsaker vert tekne til orientering.

---

018/2016: Orienteringssaker

Behandling:  
**I møtet vart det orientert om følgjande saker:**

**Kommunestruktur**

Ordførar orienterte om status for drøftingar/prosess i Nordhordland og opplegg for gjennomføring av folkemøte den 12. april i Modalen og høyringsprosessen forøvrig.

Under drøftinga kom det fram ønskje om at "aleine alternativet" også vart belyst på folkemøtet.

Oppfølging:

Forhandlingsutvalet førebur folkemøtet, og tek med seg innspela frå drøftinga under møtet.

**Tannklinikk i Modalen**

Brev frå Hordaland fylkeskommune med oppseiing av leigeavtale var sendt ut til medlemne i epost før møtet.

Ordførar orienterte om kontakt med ordførar i Masfjorden for vurdering av om det er mogleg å få etablert eit privat tannhelsetilbod.

Oppfølging:

Ordførar føl opp saka i samarbeid med ordførar i Masfjorden. Dersom ein privat tannlege er interessert i å etablere ein privat praksis så vil det verte lagt fram eiga sak om økonomi og vilkår for dette til politisk handsaming.

**NVE - høyring av søknader om løyve for 8 små vasskraftverk i Modalen kommune**

Brev frå NVE var sendt ut til medlemne i epost før møtet.

Rådmannen orienterte kort om saka. Det vert offentleg folkemøte den 24.05.16 om saka. Frist for fråsegn er 1.7.2016.

**Kommunal kai Mostraumsvika**

Rådmannen orienterte om nyleg motteken førspurnad om vøling av kai.

Formannskapet stiller seg positiv til eit samarbeid med privat interessent for vøling av kaien, men ba om at det også vart vurdert kva rettigheter som vart knytta til kaiar ved Langedal og Nottveit.

Oppfølging:

Rådmannen føl opp dialogen med interessent og undersøker bruksrettar også for kaiar ved Langedal og Nottveit.

**Bygging av nye bustader til flyktningar - status utleige**

Rådmannen orienterte om administrasjonen si vurdering av kostnader og stønad frå Husbanken ved bygging av ein tomannsbustad på Mo.

Rådmannen orienterte også kort om behov for utleigebustader til andre føremål.

Oppfølging:

Formannskapet ber rådmannen leggje fram ei sak til politisk handsaming for bygging av ny bustad på Mo med 2 bu-einingar.

**Status for fylkesveggar i Modalen**

Ordførar orienterte om kontakt med Statens Vegvesen i høve tilstanden av asfaltdekke på dei lokale fylkesvegane.

Oppfølging:

Ordførar vil følgje opp saka med brev og dokumentasjon av tilstanden til Hordaland fylkeskommune/Statens vegvesen, samt invitasjon om ei synfaring.

### **Rekneskap 2015**

Rekneskapet for 2015 er ikkje ferdig revidert, men førebels tal syner eit netto driftresultat på vel 7.2 millionar som er litt betre enn tala for 2014. Resultatet skuldast mellom anna god kostnadskontroll, auke i inntekter og reduserte pensjonskostnader.

Rådmannen vil gje ei kort orientering om rekneskapet også til kommunestyret i møte 21. april.

### **Modalstunet - status avvikling av avtalar med Vaksdal kommune - lukka møte**

Ordførar og rådmann orienterte om saka sist i møtet. Saka har vore drøfta i møte med Fylkesmannen den 11. mars der begge kommunane var representert.

Møtet vart lukka fordi det var trong til å gå gjennom juridiske sider av dei avtalemessige tilhøva mellom kommunane.

Samrøystes

Vedtak:

Sakene vert tekne til orientering

---

019/2016: Søknad om forlenging av frist for igangsetting av bygging gnr 76 bnr 103

Behandling:

Rådmannen gjorde greie for ulike sider av saka og opplyste at det ikkje er vedteke eige reglement for sal av kommunale bustadtomter, men at det har i lengre tid vore etablert ein praksis for å setje eit vilkår om frist i kjøpskontraktane.

Under drøftinga kom det fram ønskje om å klargjere praksis for handheving av fatsett frist. Etter drøftinga samla formannskapet seg om eit framlegg til endra vedtak og tillegg for oppfølging.

Samrøystes

Vedtak:

Formannskapet vedtek at søknaden vert innvilga, men set krav om at byggjearbeidet vert starta opp innan utgangen av 2016.

Formannskapet ber rådmannen lage ei sak til politisk handsaming med føremål å klargjere den administrative oppfølginga av vilkår og fristar ved sal av kommunale bustadtomter.

---

020/2016: Takstvedtekter for sakkunning nemnd og sakkunning klagenemnd -  
eigedomsskattepliktige eigedommar i Modalen kommune

**Behandling:**

Rådmannen og ordførar orienterte kort om saka.

Moglege kandidatar frå Modalen til å vere med i felles takstnemnd/klagenemnd med Masfjorden vart drøfta. Ordførar fyl opp dette i samråd med leiar av valnemnda i Masfjorden. Valnemnda(ene) legg fram si tilråding til møte i kommunestyret den 21. april.

**Vedtak:**

Framlegg til takstvedtekter for sakkunning nemnd og sakkunning klagenemnd – eigedomsskattepliktige eigedomar i Modalen kommune vert vedtatt slik dei ligg føre i saksvedlegget, og legg føringa på det formelle takseringsarbeidet i kommunen.

---